

Date –01/09/2026

Time - 18:30 -18:40Hrs

AKASHVANI AIZAWL
REGIONAL NEWS BULLETIN
HEADLINES (EVENING)

1. Khawhai khuaa chenna in kangah mi 1 a thi a, Chief Minister Pu Lalduhoma chuan chhiat tawkte tan zangnadawmna cheng nuai 4 pek an nih tur thu a puang.
2. Sorkar Laipui Scheme Swachh Bharat Mission 2.0 hnuaia Mizoram puma faina leh thianglimna kawnga School inelna tur ‘Mizoram Green Schools League’ chu vawiin khan hawn a ni.
3. Sawrkar laipui chuan Manipur-a chhiarpui neih hun tur a sawn hla.
4. Prime Minister Narendra Modia chuan vawiin SCO Summit vawi 26 naah thusawiin member-te chu firfiakte chetvelna ti chhe vek turin a sawm.

<><><>

KHAWHAI SOUTH FIRE

Vawiin chawhnua Khawhai khuaa mimal in kangah mi 1 a thi.,

Khawhawi Village Council member te hnen atanga thudawn danin, vawiin chawhnu dar 1 vel khan Khawhai South Venga Pu Ngurkhuma in chu a kang a, electric current kal sual vang nia rin a ni. In kang hi khawtlang mipuiin an hriat veleh thelh mahse, in kan laia he ina awm, Pu Ngurkhuma tunu, Lalhriatzuali, kum 21 pianphunga rualbanlo chu chhan hman lohin a thi a ni.

In kang tanpuina turin khawtlang hruaitute hian District Disaster Management Committee hnen atangin tanpuina awm theite an ngaihtuah nghal a, A ruang hi postmortem turin Khawhai PHC ah lak nghal a ni.

Chief Minister Pu Lalduhoma chuan chhiat tawkte tan zangnadawmna cheng nuai 4 pek an nih tur thu a puang a, SDRF dan anga pek tur niin tanpuina awm thei apiang ngaihtuhsak an ni ang a ti.

Social Media kaltlangin he thu hi Chief Minister chuan a puang a, Lalhriatzuali (Vohbik) in a nunna hlu tak a chan chu a lainat thu a sawi a ni.



MUALTHUAM N :

Mualthuam North khaw tleirawl H . Ramdinpuii thattu ni a puh Denghmingthanga, Mualthuam North khua chu Police in an kawl laiin nizan dar 12:00 vel khan a tlan chhuak a. A tlan chhuah thu hi tukin zing lam khan Social media ah a darh nghal a ni.

Kan corr report ngaithla ang.

Denghmingthanga, Mualthuam North khua Police te kut atanga a tlan chhuah chungchangah hian thil awm dan chianguang takin Police ten media mi te an la hrilh lova, amaherawhchu thudawn danin Police Custody atanga a bo tih an hriat hian Thana a duty Police te chuan an zawng ve nghal a, mahse chanchin buatsaih lai thleng hian man a la ni lo.

Police station chhehvel a CCTV footage atangin Rahsiveng lam a pan niin an hmu a, Rahsiveng YMA ten an ram chhung a hmun hrang hrang an zawng a, khampang rinhlelh lai deuh te pawh enfiah a ni a, hmuh a la ni lo.

Tukin lama he thil thleng ngaihventu media mi te chu Police ten engmah an hrilh thei lova, SP hovin thil awm dan an sawiho a, an thuchhuak leh thil thleng dan diktak ngaihchan mek a ni.

Lunglei Police Thanna record a a lan danin nikum khan tan tlanhhuak 2 an lo awm tawh a ni.



IIMC AIZAWL

Indian Institute of Mass Communication (IIMC) Aizawl Campus chuan vawiin khan khawvel pum huap ruihhlo do ni, 'International Day Against Drug Abuse and Illicit Trafficking' pualin 'Nasha Mukht Bharat' (Ruihhlo laka fihlim India) thutiam lak a ni.

He hunah hian IIMC OSD leh Doordarshan Aizawl News Director ni bawkt Pu Nampibou Marinmai chuan thutiam a laktir a, he huna telte hian ruihhlo laka fihlim khawtlang sim tur leh, ruihhlo in pawl a khawih theih dan mipuite hnena zirtir an inhuam thu te an tiam a ni.

Thutiamah hian ruihhlo laka inven a pawimawhzia te, ruihhlo bawih tang mekte leh a nghawng chhiat tawhte tanpui an ngaihzia te bakah thalaiten hriseh leh tangkai taka nun an hman theih nana fuih a tulzia te tarlan a ni a. “Ruihhlo hnar la; Nunna, Hriselna leh Hma hun eng zawkt thlang rawh,” tih thu chah inzirtir a ni bawkt.

Ruihhlo that lohzia zirtirna leh ruihhlo laka fihlim pawimawhzia hrilh hriatna hi Thingsai Police Station a thawktute chuan vawiin khan BT English Medium School ah an nei a. Pawl 6 atanga pawl 8 zirlaite hnenah bik neih a ni.

Thingsai Police te chuan Thingsai leh a chhehvel hi ramri mai a nih avangin, Ruihhlo kal kawng anga hman mek a ni an ti a. Ruihhlo zawrh leh tih hi dan phal loh a nih avangin fimkhur a ngaihzia te, ruihhlo zawrh emaw ruihhlo tihchhin hlahawmzia te an sawi a. Zirlaite chu ruihhlo ti lo tur leh huaissen taka hmalam pan turin an chah a ni. Thingsai Police te hian sikul hrang hrangah zirtirna hi an pe thin a ni.



GREEN MIZORAM SCHOOL LEAGUE

Sorkar Laipui Scheme Swachh Bharat Mission 2.0 hnuai Mizoram puma faina leh thianglimna kawnga School inelna tur ‘Mizoram Green Schools League’ chu vawiin khan Urban Development & Poverty Alleviation Department Minister Pu K.Sapdangan a hawng a, School Education Dr. Vanlalhlana pawh a tel a ni.

UD&PA Minister chuan hmasawwna leh changkanna tehfung pawimawh berte zing ami chu faina leh thianglimna a nih thu a sawi a. School zirlai naupangteah fai duhna thinlung tuh nghet a, an School, an chhungkua leh khawtlang vawn faina kawnga hmahruaitu ni thei tura chher chu ‘Mizoram Green Schools League’ in a tum a nih thu a sawi a. Chhuan thar lo la awm zel turte tan a luah tlak, fai leh thianglim taka enkawl chu mi tin mawhphurna lian tak a nih thu sawiin, he mawhphurhna hlenchhuak tur hian naupang atanga puitling thlengin chanzo pawimawh tak kan nei a ni, a ti.

Dr. Vanlalhlana chuan, tunlai hian faina kawngah mizo thlalaite an thangharh nasa hlea a hriat thu sawiin, mahni thu a mimal leh thianho tangruala hmun tawp leh bal lai deuhthe tifaia an che chhuak hriat tur a awm fo thin, tih a sawi a. Faina kawnga mizo thalaite hmalak thinna chu fakawm a tih thu sawiin, rel lo luh hnu pawh hian fai ngainatna hi khualzinte tana zirtlak leh entawntlak tura chhawm nun zel a pawimawh a ti.

Mizoram Green Schools League hi Block Level, District Level leh State Level-a kalpui tur a ni a. State Level-a lawmman pakhatna hian Cheng nuai 1 pahnihna hian Cheng sing 7 leh pathumna hian Cheng sing 5 a kengtrel a. Ruahman dan chuan, School fai inelna endik hi October ni 12 atanga kalpui tan tur niin December ni 18 thleng awh tura tih a ni. He hmalaknain a tumte chu School zirlaite hnenah bawlhhlawh thliar hran zirtirte, vawi khat hman plastic hman lo tura inzirtirte, zirlaite ni tin nuna fai duhna seng luh tirte, fai tura hmalakna hrang hranga hruaitu ni tura zirtirte a ni.



STUDENT DROWNED @ DILPUI

Siahaa Adventist English Academy School Study Tour Thenzawla neih mek laiin, vawiin khan an zirlai kum 16 mi Dennis Vanbawih Thawng, New Siaha West 1 chu Thenzawl Dulpui ah chesual in a thi.

Kan corr thudawn danin, he thil thlen hun hi awhnu dar 2:00 vel kha niin, Thenzawlah Study Tour neiin nimin Thawhtanni zing khan Thenzawl an thleng a.

Vawiin khan AH & Vety Department enkawl intihhlimna hmun Dilpui tlawhin intihhlimna hrang hrang an neih zawh hnuah zirlai naupang thenkhat te chu Dilah hian an cheng a. Dennis Vanbawih hi chesualin rei vaklo zawn a nih hnuah lak chhuah a bawih sawm vat a ni a. Damdawi in hnai ber Ayush Hospital rang taka panpui ni mahse chhan hman a ni tawh lo a ni.

Adventist English Academy School te hi Thenzawl Bazar Branch YMA chuan Joint YMA Hall-ah an lo mikhual avangin ruang pawh vawiin tlai khan Joint YMA hall-ah thlahna hun an hmang a hemi hnu hian Siaha panpui nghal a ni.

<><><>

NH

Kar kalta atanga Fur ruahtui tla nasa avangin Mizoram chak lak luhna kawng pawimawh Vairengte leh Aizawl inkar National Highway 306 chu Kolasib thlen hma Rengtetlangasang leimin avangin kal tlang hleihtheih loh a, dan a ni.

Kan corr report ngaithla ang.

Kolasib thlen hma Rengtetlangasang leimin avang hian khualzin phur motor leh Mizoram mamawh bungraw phur motor te chuan Buhchangphai khawngah helin helai kawng dinhmun pawh hi tha lo hlein ruhsur nasa hian kawngpui chu a chim sang hle a. Tun dinhmunah Mizoram hmar lam kawnga zin vaivak leh mamawh phur motor ten harsat na an tawh nasa hle a ni.

Kolasib Bawrsap Pu H. Dolianbuaia chuan Pathianni khan leiminna hmun hi a tlawh a, tunlai ruahtui a tlak nasat avangin mipuite leh lirthei khalh thinte fimkhur a tul thu a sawi a. Kawng siam leh enkawl hna thawk mektu NHIDCL leh an contractor te pawh leimin leh chhiatrupna thleng thei laka inring reng turin a chah a ni. Kawng chhiat avang emaw leimin avanga lirthei chet velnaah khuahkhirhna siam a ngai a nih chuan, a hma theih ang bera DC leh Police lam hriattir thin turin a chah bawh.

He lai hmun paltlanga khualzin veivakte pawh a tul anga fimkhur turin Bawrsap chuan a ngen a. Lirthei khalhtu thenkhatte zingah kawng siamtute ruahmanna zawm lo an awm thin tih tarlangin, NHIDCL ten lirthei tlan dan tur ruahmanna an siamte chu tha taka zawm theuh turin a ngen bawh a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

CHAMPHAI MNF/ AIZAWL BJP

Champhai khawpui chhung kawngpui chhe siam hnatlang chu vawiin khan Champhai District MNF North leh South Block ten an thawk a, mi engmawzat an hnatlang a ni.

MNF North Block President Pu C Lalbiaktluanga chuan Sorkarin an lirthei tui thunna atan Cess a la chung pawha tun thlenga kawng siam a la ni lo chu a pawitakzet a ni a ti a, Champhai mipuite mamawhna hria a, Kawng siam vat turin sorkar a ngen tih a sawi a ni.

MNF South Block President Pu C Huaisavunga chuan a hriat theih chinah tun hi Champhai khawpui kawng chhiat lai ber a ni a ti a,. Champhai hmangaihtu MNF te chu Champhai kawng siam turin an pen chhuak a ni a ti.

BJP Mizoram Thalai Headquarters chuan, Mizoram-a Sorkarna chelh mek te'n Sorkar hmasa ten Tax an lak ve ngai loh Mizoram mipui atangin chhiah tam tak an lak, a bikin Petrol leh Diesel-a Cess chu Kawng siamna tur anga sawi si a, kawngpui siam that loh tam tak awm leh, District hrang hrang inkalpawhna kawng chhe ta lutuk chu mak an ti tih vawiin khan thuchhuah siamin, Sorkar hmasa te aia chhe zawk maha Sorkarna an kalpui hian Mipui thinlung an ti na hle an ti.

BJP Thalai chuan Chief Minister chu Mizoram-a sum van chhan ah mawhphurhna la ngam lovah puhin a interview naah sum van chhan chu India ram ah GST tlakhniam vang' tia a sawi chu a mak an ti tih an sawi a, India ram GST hi July thla thleng khan cheng vbc nuai 2 chuang a ni an ti a, net revenue hi kum hmasa aiin zaa 15.8 in a pung a, thla 14 chhunga growth rate that ber lai a ni, an ti.

<><><>

MANIPUR

Sawrkhar laipui chuan Manipur-a chhiarpui neih hun tur a sawn hla. Union Home Minister Amit Shah-a hova New Delhi-a high level review meeting thutkhawm hnuah he thutlukna hi siam a ni a. Tun dinhmuna Manipur state chhung boruak thlir chungin chhiarpui neih hun tur hi sawn rel a ni a. Hetihlai hian Manipur High Court chuan Census neih tur hi thulh rih turin thupek alo siam tawh bawk a ni.

High Level meeting-ah hian Manipur mipuiten National Register of Citizens (NRC) kalpui anih hma chuan chhiarpui chu neih rih loh nise tia an ngenna chu ngaihtuah a ni a. Manipur mipuite ngenna ang hian census chu tih rihloh ni se tiin thutlukna siam a ni ta a ni. He high level meeting ah hian Manipur Governor Ajay Kumar Bhalla, Chief Minister Yumnam Khemchand Singh,leh Union Home Secretary Govind Mohan te pawh an tel a ni.

(Newsonair)

<><><>

PM

Prime Minister Narendra Modia chuan vawiin khan Kyrgyzstan khawpui Bishkek-a Sanghai Cooperation Organisation Summit vawi 26 naah thusawiin member-te chu firfiakte chetvelna ti chhe vek turin a sawm. Pu Modia chuan firfiakte chetvelna hrang hrang suma tanpuinate, mi leh sa an inlak belh dante, leh an inhumhimna thin zawng zawng leh an inthlunzawmna te ti chhe vek turin a sawm a. Firfiakte lakah hmai hnih neia chet a theihloh a ti bawk.

SCO Summit ah hian Bishkek Declaration ziah a ni a. Tunlai khawvela ram venhimna ti derthawng thei thil hrang hrang laka invenhimna turin chak zawka hmalak an remti a ni.

(Newsonair)

